

22 MAY 1996

China-Zhu

NAIB PERDANA MENTERI CHINA TIBA UNTUK LAWATAN RASMI LIMA HARI

KUALA LUMPUR, 22 Mei (Bernama) -- Naib Perdana Menteri China Zhu Rongji tiba di sini untuk lawatan rasmi lima hari.

Ketibaannya di Lapangan Terbang Sultan Abdul Aziz Shah disambut oleh Timbalan Menteri Dalam Negeri Ong Ka Ting.

Zhu diiringi isterinya, Lao An.

Beliau dijadualkan mengunjungi Timbalan Perdana Menteri Datuk Seri Anwar Ibrahim petang ini dan menghadiri jamuan rasmi di Carcosa Seri Negara malam ini.

Esok, Zhu dijadualkan menghadiri majlis taklimat di Unit Perancangan Ekonomi di Jabatan Perdana Menteri, melawat Bangunan Parlimen dan kilang Proton di Shah Alam.

Zhu dan isterinya juga akan menghadap Yang di-Pertuan Agong Tuanku Ja'afar dan Raja Permaisuri Agong Tuanku Najihah di Istana Negara esok.

Rombongan China itu juga dijadual melawat Melaka. Zhu akan mengunjungi Ketua Menteri Datuk Mohd Zin Abd Ghani, menghadiri jamuan tengah hari dengan pegawai-pegawai negeri dan melawat Melaka Village Paradise Resort.

Zhu juga akan mengadakan perbincangan dengan Perdana Menteri Datuk Seri Dr Mahathir Mohamad pada hari keempat lawatannya sebelum berlepas ke Pulau Pinang untuk melawat Taman Perindustrian Bayan Lepas dan Taman Perindustrian Prai.

Naib Perdana Menteri China itu dan rombongannya akan berlepas ke China dari Lapangan Terbang Antarabangsa Bayan Lepas. -- BERNAMA

JM NAK